



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1719. usque ad annum 1720

**Fleury, Claude**

**August. Vind. [u.a.], 1782**

**VD18 13322648**

§. 12. Ejusdem epistola ad Præsides & Parlamentorum Procuratores circa appellantes Ecclesiasticos.

---

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

subjectorum crimina plectite, ita tamen, Sæc. XVIII.  
A. C. 1719.  
ut vestræ potestatis fines non excedatis.

Tum vero, si qui contra vestra mandata generalia, aut particularia statuta appellationes ab abusu interposuerint, facta earum discussione mihi nil gratius accidet, quam si vestram prudentiam, Religionis studium, animique moderationem deprædicare potero &c., Præter has literas Regens etiam petulantiores quosdam Appellantes exilio mulctavit, & nonnullis Episcopis contra quædam Parlamenta validam præstitit opem.

§. XII.

*Ejusdem Regentis epistola ad Præsides & Parliamentorum Procuratores circa appellantes Ecclesiasticos.*

Eadem die Serenissimus Regni Regens Parliamentorum auctoritatem circumscripturus, ad supremos Præsides & Parliamentorum Procuratores Generales has dedit literas.

„Quamvis contestationes in Gallicana Ecclesia occasione Constitutionis Unigenitus excitatæ unanimi conciliatione hucusque terminari non potuerint, eas tamen eadem via tandem finem habituras spero.

Quo-

Sæc. XVIII. Quoniam vero ex his ipsis contro-  
A. C. 1719. versis secundi Ordinis Ecclesiastici sese  
 contra suos Episcopos erigendi, eorum-  
 que vocem atque auctoritatem vilipen-  
 dendi ansam arripuere, hinc ut totum au-  
 ctoritatis a Rege vobis commissæ pondus  
 contra ejusmodi ausuum progressus impendatis, vobis præcipimus: Plures enim ex his Ecclesiasticis, quamprimum se diversas a suis Episcopis opiniones fovere declarant, sperare videntur, se eo ipso a reverentia, & obsequio eis debito solutos esse: ast non minus tranquillitatis, quam subordinationis ac pacis plurimum interest, ut ejusmodi independentia a plebe tam avide exoptata, & ad tumultus turbasque concitandas necessario inducens præpediatur.

Nihilominus viæ juris in Regno stabilitæ semper insistere intentus, pariter eo sollicitudinem meam extendo, ne Episcopi sua etiam potestate abutantur: cum ergo inferiorum rebellio non minus ordinato statui adversatur, tam horum quam illorum excessibus obstare, vestræ sit vigilantæ, quam ut excitem, has ad Vos perscribo literas, eo fine, ut una ex parte appellationes *ab abusu* juxta solemnitates per decreta præscriptas recipi curetis, ex altera vero minime permittatis, ut sub harum  
 appel-

appellationum velamento inobedientia, Sæc. XVIII.  
& scandali occasio invalescat. A. C. 1719.

Eapropter, si quædam Communitates, Ecclesiastici, aut alii secundi Ordinis homines a suorum Præfulum mandatis atque Instructionibus, tanquam ab abusu appellaverint, priusquam suam appellationem ad Curiam deferant, eos adstringite, ut vobis suas appellandi rationes in supplici explicent libello, quem ad me confestim transmittatis, ut quæ pro Regis obsequio, Episcopatus juribus, Gallicanæ Ecclesiæ libertatibus, & debitæ subordinationis Regulis magis expedire judicavero, vobis desuper significare valeam.

Hanc in rem ad omnes Franciæ Episcopos literas dedi, haud dubius, quin & ipsi hoc prudentiæ, & charitatis suo gradui congruæ temperamentum ratum, gratumque habeant. Vobis vero exemplum epistolæ ad eos transmissæ communico, spe fretus, quod quo plus moderationis & reverentiæ erga ipsos salvis Regni statutis monstraveritis, eo majore etiam religione vicissim, ipsi in vestris decretis reverenturi sint Regis auctoritatem, quæ vobis injungit, ut intra limites per Regni leges præscriptos Episcopalem contineatis jurisdictionem, cujus etiam defensores

Sæc. XVIII. fores constituti estis, quamdiu Episcopi illa non fuerint abusi &c. ,,  
A. C. 1719.

Insuper Regni Moderator quosdam Appellantes, quos invalescens fanatismus ad manifestam rebellionem abstraxerat, exilii pœna plectebat, simulque vetabat, ne a Parisiensis Parlamenti Procuratore Arelatensis, Massiliensis, & Tolonensis Episcoporum mandata examini subjicerentur: Cisterciensibus quoque Regii Sacelli Luparensis curam ademit, eoquod suam appellationem manifestam reddere præsumpsissent, ac denique, nil eorum prætermisit, quæ ad Ecclesiæ defensionem, pacemque reddendam proficere censuit.

§. XIII.

*Omnes Universitatis Parisinæ Ordines appellationi adhærentes.*

*Acta Publ.  
 Const. p. 508.*

Insuper refractarii Parisiensis Facultatis Theologicæ Doctores novam, eamque vere ridiculam aperuere scœnam; ut enim majus suæ appellationi pondus adderent, ceteras omnes Facultates seu Ordines, Nationes, Juristas imo ipsos & Medicos, quorum tamen non pauci in hac controversia, rebusque Theologicis omnino hospites & peregrini erant, sollicitabant, ut contra Constitutionem *Unigenitus* cum eis  
 ullu-